

国立国会図書館

タイトル『尚書2巻』 請求記号 特1-2696

ガラス使用

特 1
2696

慶應丁卯新鐫

校正改點

片假名附

書經

全二冊

東都書肆

一貫堂板

書集傳序

慶元己未冬先生文公令沈作書集傳明年

先生歿又十年始克成編總若干萬言嗚呼

書豈易言哉二帝三王治天下之大經大法

皆載此書而淺見薄識豈足以盡發蘊奧且

生於數千載之下而欲講明於數千載之前

亦已難矣然二帝三王之治本於道二帝三


王之道本於心得其心則道與治固可得而

書經



言矣何者精一執中堯舜禹相授之心法也
建中建極商湯周武相傳之心法也曰德曰
仁曰敬曰誠言雖殊而理則一無非所以明
此心之妙也至於言天則嚴其心之所自出
言民則謹其心之所由施禮樂教化心之發
也典章文物心之著也家齊國治而天下平
心之推也心之德其盛矣乎二帝三王存此
心者也夏桀商受亡此心者也太甲成王困

而存此心者也存則治亡則亂治亂之分顧
其心之存不存如何耳後世人主有志於二
帝三王之治不可不求其道有志於二帝三
王之道不可不求其心求心之要舍是書何
以哉沈自受讀以來沈潛其義參攷衆說融
會貫通迺敢折衷微辭與旨多述舊聞二典
禹謨先生蓋嘗是正手澤尚新嗚呼惜哉集
傳本先生所命故凡引用師說不復識別四



代之書分爲六卷文以時異治以道同聖人之心見於書猶化工之妙著於物非精深不能識也是傳也於堯舜禹湯文武周公之心雖未必能造其微於堯舜禹湯文武周公之書因是訓誥亦可得其指意之大略矣嘉定己巳三月既望武夷蔡沈序。

書經篇目

虞書

堯典

夏書

禹貢

商書

湯誓

太甲上

舜典

甘誓

五子之歌

仲虺之誥

太甲中

太甲下

大禹謨

皋陶謨


胤征

湯誥

伊訓

咸有一德

益稷



盤庚上

盤庚中

盤庚下

說命上

說命中

說命下

高宗彤日

西伯戡黎

微子

周書

泰誓上

泰誓中

泰誓下

牧誓

武成

洪範

旅獒

金縢

大誥

微子之命

康誥

酒誥

梓材

召詔

洛誥

多士

無逸

君奭

蔡仲之命

多方

立政

周官

君陳

顧命

康王之誥

畢命

君牙

冏命

昌刑

文侯之命

費誓

秦誓

書經目錄終



虞書
 皋陶謨
 曰若稽古帝堯曰放勳欽明文思安安允恭
 克讓光被四表格于上下克明俊德以親九
 族九族既睦平章百姓百姓昭明協和萬邦
 黎民於變時雍○乃命羲和欽若昊天曆象
 日月星辰敬授人時分命羲仲宅嵎夷曰暘

尚書

虞書

堯典

曰若稽古帝堯曰放勳欽明文思安安允恭
 克讓光被四表格于上下克明俊德以親九
 族九族既睦平章百姓百姓昭明協和萬邦
 黎民於變時雍○乃命羲和欽若昊天曆象
 日月星辰敬授人時分命羲仲宅嵎夷曰暘

書經

一上



谷寅寅出日平秩東作日中星鳥以殷仲春
 厥民析鳥獸孳尾申命羲叔宅南交平秩南
 訛敬致日永星火以正仲夏厥民因鳥獸希
 革分命和仲宅西日昧谷寅饒納日平秩西
 成宵中星虛以殷仲秋厥民夷鳥獸毛毳申
 命和叔宅朔方日幽都平在朔易日短星昴
 以正仲冬厥民隩鳥獸氄毛帝曰咨汝羲暨
 和晷三百有六旬有六日以閏月定四時成

歲允釐百工庶績咸熙○帝曰疇咨若時登
 庸放齊曰胤子朱啓明帝曰吁嚳訟可乎○
 帝曰疇咨若予來驩兜曰都共工方鳩僝功
 帝曰吁靜言庸違象恭滔天○帝曰咨四岳
 湯湯洪水方割蕩蕩懷山襄陵浩浩滔天下
 民其咨有能俾乂僉曰於鯀哉帝曰吁咈哉
 方命圯族岳曰異哉試可乃已帝曰往欽哉
 九載績用弗成○帝曰咨四岳朕在位七十

書經

六



載汝能庸命。巽朕位。岳曰。否德亦帝位。曰。明
 明揚側陋。師錫帝曰。有齔在下。曰。虞舜帝曰。
 兪。予聞如何。岳曰。瞽子。父頑。母嚚。象傲。克諧
 以孝。烝烝乂。不格姦。帝曰。我其試哉。女于時
 觀厥刑于二女。釐降二女于媯汭。嬪于虞。帝
 曰。欽哉。

舜典

曰。若稽古帝舜。曰。重華。協于帝。濬哲文明。溫

恭。允塞。玄德升聞。乃命以位。慎徽五典。五典
 克從。納于百揆。百揆時叙。賓于四門。四門穆
 穆。納于大麓。烈風雷雨弗迷。○帝曰。格。汝舜。
 詢事考言。乃言底可。績三載。汝陟帝位。舜讓
 于德。弗嗣。正月上日。受終于文祖。在璿璣玉
 衡。以齊七政。肆類于上帝。禋于六宗。望于山
 川。徧于羣神。輯五瑞。既月。乃日。覲四岳羣牧。
 班瑞于羣后。歲二月。東巡守。至于岱宗。柴望



秩于山川肆覲東后協時月正日同律度量
 衡修五禮五玉三帛二生一死贄如五器卒
 乃復五月南巡守至于南岳如岱禮八月西
 巡守至于西岳如初十有一月朔巡守至于
 北岳如西禮歸格于藝祖用特五載一巡守
 羣后四朝敷奏以言明試以功車服以庸肇
 十有二州封十有二山濬川象以典刑流宥
 五刑鞭作官刑扑作教刑金作贖刑眚災肆

赦怙終賊刑欽哉欽哉惟刑之恤哉流其工
 于幽洲放驩兜于崇山竄三苗于三危殛鯀
 于羽山四罪而天下咸服二十有八載帝乃
 殂落百姓如喪考妣三載四海遏密八音○
 月正元日舜格于文祖詢于四岳闢四門明
 四目達四聰咨十有二牧曰食哉惟時柔遠
 能邇惇德允元而難任人蠻夷率服○舜曰
 咨四岳有能奮庸熙帝之載使宅百揆亮采

卷之八

八



惠疇僉曰伯禹作司空帝曰俞咨禹汝平水土
 惟時懋哉禹拜稽首讓于稷契暨臯陶帝
 曰俞汝往哉○帝曰棄黎民阻饑汝后稷播
 時百穀○帝曰契百姓不親五品不遜汝作
 司徒敬敷五教在寬○帝曰臯陶蠻夷猾夏
 寇賊姦宄汝作士五刑有服五服三就五流
 有宅五宅三居惟明克允○帝曰疇若予工
 僉曰垂哉帝曰俞咨垂汝共工垂拜稽首讓

于受折暨伯與帝曰俞往哉汝諧○帝曰疇
 若予上下草木鳥獸僉曰益哉帝曰俞咨益
 汝作朕虞益拜稽首讓于朱虎熊羆帝曰俞
 往哉汝諧○帝曰咨四岳有能典朕三禮僉
 曰伯夷帝曰俞咨伯汝作秩宗夙夜惟寅直
 哉惟清伯拜稽首讓于夔龍帝曰俞往欽哉
 ○帝曰夔命汝典樂教胃子直而溫寬而栗
 剛而無虐簡而無傲詩言志歌永言聲依永

書經

九



律和聲八音克諧無相奪倫神人以和夔曰
於予擊石拊石百獸率舞○帝曰龍朕璽讒
說殄行震驚朕師命汝作納言夙夜出納朕
命惟允○帝曰咨汝二十有二人欽哉惟時
亮天功三載考績三考黜陟幽明庶績咸熙
分北三苗○舜生三十徵庸三十在位五十
載陟方乃死。

大禹謨

曰若稽古大禹曰文命敷于四海祇承于帝
曰后克艱厥后臣克艱厥臣政乃乂黎民敏
德帝曰兪允若茲嘉言罔攸伏野無遺賢萬
邦咸寧稽于衆舍己從人不虐無告不廢困
窮惟帝時克○益曰都帝德廣運乃聖乃神
乃武乃文皇天眷命奄有四海爲天下君○
禹曰惠迪吉從逆凶惟影響○益曰吁戒哉
儆戒無虞罔失法度罔遊于逸罔淫于樂任



賢勿貳去邪勿疑疑謀勿成百志惟熙罔違
道以于百姓之譽罔沸百姓以從已之欲無
怠無荒四夷來王禹曰於帝念哉德惟善政
政在養民水火金木土穀惟修正德利用厚
生惟和九功惟叙九叙惟歌戒之用休董之
用威勸之以九歌俾勿壞帝曰俞地平天成
六府三事允治萬世永賴時乃功○帝曰格
汝禹朕宅帝位三十有三載耄期倦于勤汝

惟不怠總朕師禹曰朕德罔克民不依臯陶
邁種德德乃降黎民懷之帝念哉念茲在茲
釋茲在茲名言茲在茲允出茲在茲惟帝念
功○帝曰臯陶惟茲臣庶罔或于予正汝作
士明于五刑以弼五教期于予治刑期于無
刑民協于中時乃功懋哉臯陶曰帝德罔愆
臨下以簡御衆以寬罰弗及嗣賞延于世宥
過無大刑故無小罪疑惟輕功疑惟重與其



殺不幸。寧失不經。好生之德。洽于民心。茲用
 不犯于有司。帝曰。俾予從欲以治。四方風動。
 惟乃之休。○帝曰。來禹。泮水。懌予。成允。成功。
 惟汝賢。克勤于邦。克儉于家。不自滿假。惟汝
 賢。汝惟不矜。天下莫與汝爭能。汝惟不伐。天
 下莫與汝爭功。予懋乃德。嘉乃丕績。天之曆
 數在汝躬。汝終陟元后。人心惟危。道心惟微。
 惟精惟一。允執厥中。無稽之言。勿聽。弗詢之

謀。勿庸可愛。非君可畏。非民衆非元后。何戴
 后。非衆罔與守邦。欽哉。慎乃有位。敬修其可
 願。四海困窮。天祿永終。惟口出好興戎。朕言
 不再。禹曰。枚卜功臣。惟吉之從。帝曰。禹官占。
 惟先蔽志。昆命于元龜。朕志先定。詢謀僉同。
 鬼神其依。龜筮協從。卜不習吉。禹拜稽首。固
 辭。帝曰。毋惟汝諧。正月朔旦。受命于神宗。率
 百官。若帝之初。○帝曰。咨禹。惟時有苗弗率。

書經

十一




汝祖征禹乃會羣后誓于師曰濟濟有衆咸
 聽朕命蠢茲有苗昏迷不恭侮慢自賢反道
 敗德君子在野小人在位民棄不保天降之
 咎肆予以爾衆士奉辭伐罪爾尚一乃心力
 其克有勳三旬苗民逆命益贊于禹曰惟德
 動天無遠弗届滿招損謙受益時乃天道帝
 初于歷山往于田日號泣于旻天于父母負
 罪引慝祗載見瞽瞍夔夔齊慄瞽亦允若至

誠感神矧茲有苗禹拜昌言曰兪班師振旅
 帝乃誕敷文德舞于羽于兩階七旬有苗格


皐陶謨

曰若稽古皐陶曰允迪厥德謨明弼諧禹曰
 兪如何皐陶曰都慎厥身修思永惇叙九族
 庶明勵翼邇可遠在茲禹拜昌言曰兪皐陶
 曰都在知人在安民禹曰吁咸若時惟帝其
 難之知人則哲能官人安民則惠黎民懷之



能哲而惠何憂乎驩兜何遷乎有苗何畏乎
 巧言令色孔壬○臯陶曰都亦行有九德亦
 言其人有德乃言曰載采采禹曰何臯陶曰
 寬而栗柔而立愿而恭亂而敬擾而教直而
 溫簡而廉剛而塞彊而義彰厥有常吉哉日
 宣三德夙夜浚明有家日嚴祇敬六德亮采
 有邦翁受敷施九德咸事俊乂在官百僚師
 師百工惟時撫于五辰度績其凝無教逸欲

有邦兢兢業業一日二日萬幾無曠庶官天
 工人其代之天叙有典勅我五典五惇哉天
 秩有禮自我五禮有庸哉同寅協恭和衷哉
 天命有德五服五章哉天討有罪五刑五用
 哉政事懋哉懋哉天聰明自我民聰明天明
 畏自我民明威達于上下敬哉有土○臯陶
 曰朕言惠可底行禹曰俞乃言底可績臯陶
 曰予未有知思曰贊贊襄哉



益稷

帝曰來禹汝亦昌言禹拜曰都帝予何言予
 思曰孜孜皐陶曰吁如何禹曰洪水滔天浩
 浩懷山襄陵下民昏墊予乘四載隨山刊木
 暨益奏庶鮮食予決九川距四海濬畎澮距
 川暨稷播奏庶艱食鮮食懋遷有無化居烝
 民乃粒萬邦作乂皐陶曰俞師汝昌言○禹
 曰都帝慎乃在位帝曰俞禹曰安汝止惟幾

惟康其弼直惟勳丕應後志以昭受上帝天
 其申命用休帝曰吁臣哉鄰哉鄰哉臣哉禹
 曰俞帝曰臣作朕股肱耳目予欲左右有民
 汝翼予欲宣力四方汝爲予欲觀古人之象
 日月星辰山龍華蟲作會宗彝藻火粉米黼
 黻絺繡以五采彰施于五色作服汝明予欲
 聞六律五聲八音在治忽以出納五言汝聽
 予違汝弼汝無面從退有後言欽四鄰庶頑

書經

十四



讒說若不在時侯以明之。撻以記之。書用識
 哉。欲並生哉。工以納言。時而颺之。格則承之。
 庸之。否則威之。禹曰。俞哉。帝光天之下。至于
 海隅。蒼生萬邦。黎獻共惟。帝臣惟帝。時舉敷
 納。以言明度。以功車服。以庸。誰敢不讓。敢不
 敬。應帝不時。敷同日。奏罔功。無若丹朱。傲惟
 慢遊。是好傲虐。是作罔晝夜。頌頌。罔水行舟。
 朋淫于家。用殄厥世。予創若時。娶于塗山。辛

壬癸甲。啓呱呱而泣。予弗子。惟荒度土功。弼
 成五服。至于五千。州十有二師。外薄四海。咸
 建五長。各迪有功。苗頑弗卽工。帝其念哉。帝
 曰。迪朕德。時乃功。惟叙臯陶。方祗厥叙。方施
 象刑。惟明。夔曰。曼擊鳴球。搏拊琴瑟。以詠
 祖考。來格。虞實在位。羣后德讓。下管鼗鼓。合
 止。祝敔。笙鏞以間。鳥獸蹌蹌。簫韶九成。鳳凰
 來儀。夔曰。於予擊石拊石。百獸率舞。庶尹允



諧○帝庸作歌曰勅天之命惟時惟幾乃歌
曰股肱喜哉元首起哉百工熙哉臯陶拜手
稽首賜言曰念哉率作興事慎乃憲欽哉屢
省乃成欽哉乃賡載歌曰元首明哉股肱良
哉庶事康哉又歌曰元首叢脞哉股肱惰哉
萬事墮哉帝拜曰俞往欽哉

夏書

禹貢

禹敷土隨山刊木奠高山大川冀州既載壺
口治梁及岐既修太原至于岳陽覃懷底績
至于衡漳厥土惟白壤厥賦惟上上錯厥田
惟中中恒衛既從大陸既作島夷皮服夾右
碣石入于河○濟河惟兗州九河既道雷夏
既澤淮沮會同桑土既蠶是降丘宅土厥土
黑墳厥草惟繇厥木惟條厥田惟中下厥賦
貞作十有三載乃同厥貢漆絲厥篚織文浮



于濟。潔達于河。○海岱惟青州。嶠夷既畧。維
淄其道。厥土白墳。海濱廣斥。厥田惟上下。厥
賦中上。厥貢鹽絺。海物惟錯。岱畎絲枲。鉛松
怪石。萊夷作牧。厥篚栗絲。浮于汶。達于濟。○
海岱及淮。惟徐州。淮沂其乂。蒙羽其藝。大野
既豬。東原底平。厥土赤埴墳。草木漸包。厥田
惟上中。厥賦中中。厥貢惟土五色。羽畎夏翟。
嶧陽孤桐。泗濱浮磬。淮夷蠙珠暨魚。厥篚玄

纈。縞浮于淮。泗達于河。○淮海惟揚州。彭蠡
既豬。陽鳥攸居。三江既入。震澤底定。篠簜既
敷。厥草惟夭。厥木惟喬。厥土惟塗泥。厥田惟
下下。厥賦下上。錯。厥貢惟金三品。璫琨篠
簜。齒革羽毛。惟木。島夷卉服。厥篚織貝。厥包
橘柚。錫貢沿于江海。達于淮泗。○荆及衡陽
惟荊州。江漢朝宗于海。九江孔殷。沱潛既道。
雲土夢作乂。厥土惟塗泥。厥田惟下中。厥賦




上下厥貢羽毛齒革惟金三品柶斝栝柏礪
 砥砮丹惟箇箛楛楛三邦底貢厥名包匭菁茅
 厥篚玄纁璣組九江納錫大龜浮于江沱潛
 漢逾于洛至于南河○荆河惟豫州伊洛瀍
 澗既入于河滎波既豬導河澤被孟豬厥土
 惟壤下土墳壚厥田惟中上厥賦錯上中厥
 貢漆象絺紵厥篚織纊錫貢磬錯浮于洛達
 于河○華陽黑水惟梁州岷嶓既藝沱潛既

道蔡蒙旅平和夷底績厥土青黎厥田惟下
 上厥賦下中三錯厥貢璆鐵銀鏤砮磬能鬻
 狐狸織皮西傾因桓是來浮于潛逾于沔入
 于渭亂于河○黑水西河惟雍州弱水既西
 涇屬渭汭漆沮既從豐水攸同荆岐既旅終
 南惇物至于鳥鼠原隰底績至于豬野三危
 既宅三苗丕叙厥土惟黃壤厥田惟上上厥
 賦中下厥貢惟球琳琅玕浮于積石至于龍


書經

卷七



門西河會于渭内。○織皮崑崙析支渠搜西
 戎卽叙。○導岍及岐至于荆山逾于河壺口
 雷首至于太岳底柱析城至于王屋太行恒
 山至于碣石入于海西傾朱圉鳥鼠至于太
 華熊耳外方桐柏至于陪尾導嶓冢至于荆
 山内方至于大別岷山之陽至于衡山過九
 江至于敷淺原。○導弱水至于合黎餘波入
 于流沙導黑水至于三危入于南海導河積

石至于龍門南至于華陰東至于底柱又東
 至于孟津東過洛内至于大伾北過洛水至
 于大陸又北播爲九河同爲逆河入于海嶓
 冢導漾東流爲漢又東爲滄浪之水過三塗
 至于大別南入于江東匯澤爲彭蠡東爲北
 江入于海岷山導江東別爲沱又東至于澧
 過九江至於東陵東迤北會爲匯東爲中江
 入于海導沅水東流爲濟入于河溢爲滎東




出于陶丘北又東至于荷又東北會于汶又
 北東入于海導淮自桐柏東會于泗沂東入
 于海導渭自鳥鼠同穴東會于澧又東會于
 澧又東過漆沮入于河導洛自熊耳東北會
 于澗瀍又東會于伊又東北入于河○九州
 攸同四隩既宅九山刊旅九川滌源九澤既
 陂四海會同六府孔修庶士交正底慎財賦
 咸則三壤成賦中邦錫土姓祗台德先不距

朕行五百里甸服百里賦納總二百里納銍
 三百里納結服四百里粟五百里米五百里
 侯服百里采二百里男邦二百里諸侯五百
 里綏服三百里揆文教二百里奮武衛五百
 里要服三百里夷二百里蔡五百里荒服三
 百里蠻二百里流東漸于海西被于流沙朔
 南暨聲教訖于四海禹錫玄圭告厥成功

甘誓

書經


三



大戦于甘。乃召六卿。王曰：嗟！六事之人，予誓告汝。有扈氏威侮五行，怠棄三正，天用勦絕其命。今予惟恭行天之罰。左不攻于左，汝不恭命；右不攻于右，汝不恭命。御非其馬之正，汝不恭命。用命賞于祖，不用命戮于社。予則孥戮汝。

五子之歌

太康尸位，以逸豫滅厥德。黎民咸貳，乃盤遊無度。畋于有洛之表，十旬弗反。有窮后羿，因民弗忍，距于河。厥弟五人，御其母以從。後于洛之汭，五子咸怨，述大禹之戒，以作歌。○其一曰：皇祖有訓，民可近不可下，民惟邦本，本固邦寧。予視天下，愚夫愚婦，一能勝予，一人三失，怨豈在明？不見是圖，予臨兆民，凜乎若朽索之馭六馬，爲人上者，奈何不敬？○其二曰：訓有之，內作色荒，外作禽荒，甘酒嗜音，峻



宇彫牆有一於此未或不亡。○其三曰惟彼陶唐有此冀方。今失厥道亂其紀綱乃底滅亡。○其四曰明明我祖萬邦之君有典有則。貽厥子孫關石和鈞王府則有荒墜厥緒覆宗絕祀。○其五曰嗚呼曷歸予懷之悲萬姓仇予予將疇依鬱陶乎予心顏厚有怙昵弗慎厥德雖悔可追。

胤征

惟仲康肇位四海胤侯命掌六師羲和廢厥職酒荒于厥邑胤后承王命徂征告于衆曰嗟予有衆聖有謨訓明徵定保先王克謹天戒臣人克有常憲百官修輔厥后惟明明每歲孟春道人以水鐸徇于路官師相規工執藝事以諫其或不恭邦有常刑惟時羲和顛覆厥德沈亂于酒畔官離次俶擾天紀遐棄厥司乃季秋月朔辰弗集于房瞽奏鼓嗇夫

書經

卷二



馳度人走羲和尸厥官罔聞知昏迷于天象
 以于先王之誅政典曰先時者殺無赦不及
 時者殺無赦今予以爾有衆奉將天罰爾衆
 士同力王室尚弼予欽承天子威命火炎崑
 岡玉石俱焚天吏逸德烈于猛火殲厥渠魁
 脅從罔治舊塗汙俗咸與惟新嗚乎威克厥
 愛允濟愛克厥威允罔功其爾衆士懋戒哉

商書

湯誓

王曰格爾衆庶悉聽朕言非台小子敢行稱
 亂有夏多罪天命殛之今爾有衆汝曰我后
 不恤我衆舍我穡事而割正夏予惟聞汝衆
 言夏氏有罪予畏上帝不敢不正今汝其曰
 夏罪其如台夏王率遏衆力率割夏邑有衆
 率怠弗協曰時日曷喪予及汝皆亡夏德若
 兹今朕必往爾尚輔予一人致天之罰予其



大賚汝爾無不信朕不食言爾不從誓言予
則孥戮汝罔有攸赦

仲虺之誥

成湯放桀于南巢惟有慙德曰予恐來世以
台爲口實仲虺乃作誥曰嗚呼惟天生民有
欲無主乃亂惟天生聰明時又有夏昏德民
墜塗炭天乃錫王勇智表正萬邦纘禹舊服
茲率厥典奉若天命夏王有罪矯誣上天以

布命于下帝用不臧式商受命用爽厥師簡
賢附勢寔繁有徒肇我邦于有夏若苗之有
莠若粟之有秕小大戰戰罔不懼于非辜矧
予之德言足聽聞惟王不邇聲色不殖貨利
德懋懋官功懋懋賞用人惟已改過不吝克
寬克仁彰信兆民乃葛伯仇餉初征自葛東
征西夷怨南征北狄怨曰奚獨後予攸徂之
民室家相慶曰俟予后后來其蘇民之戴商

厥惟舊哉。佑賢輔德，顯忠遂良，兼弱攻昧，取亂侮亡。推亡固存，邦乃其昌。德日新，萬邦惟懷。志自滿，九族乃離。王懋昭大德，建中于民，以義制事，以禮制心。垂裕後昆，予聞曰：能自得師者王，謂人莫己若者亡。好問則裕，自用則小。嗚呼！慎厥終，惟其始。殖有禮，覆昏暴。欽崇天道，永保天命。

湯誥

王歸自克夏，至于亳，誕告萬方。王曰：嗟爾萬方，有衆，明聽予一人誥。惟皇上帝，降衷于下民。若有恒性，克終厥猷。惟后夏王，滅德作威，以敷虐于爾萬方。百姓爾萬方，百姓罹其凶害，弗忍荼毒，並告無辜于上下神祇。天道福善禍淫，降災于夏，以彰厥罪。肆台小子，將天命，明威不敢赦。敢用玄牡，敢昭告于上天神后，請罪有夏。聿求元聖，與之戮力，以與爾有



衆請命上天孚佑下民罪人黜伏天命弗僭
賁若草木兆民允殖俾予一人輯寧爾邦家
茲朕未知獲戾于上下慄慄危懼若將隕于
深淵凡我造邦無從匪彝無卽怡淫各守爾
典以承天休爾有善朕弗敢蔽罪當朕躬弗
敢自赦惟簡在上帝之心其爾萬方有罪在
予一人予一人有罪無以爾萬方嗚呼尚克
時忱乃亦有終

伊訓

惟元祀十有二月乙丑伊尹祠于先王奉嗣
王祗見厥祖侯甸羣后咸在百官總已以聽
冢宰伊尹乃明言烈祖之成德以訓于王曰
嗚呼古有夏先后於懋厥德罔有天災山川
鬼神亦莫不寧暨鳥獸魚鼈咸若于其子孫
弗率皇天降災假手于我有命造攻自鳴條
朕哉自亳惟我商王布昭聖武代虐以寬兆

書經

三




民允懷今王嗣厥德罔不在初立愛惟親立
敬惟長始于家邦終于四海嗚呼先王肇修
人紀從諫弗咈先民時若居上克明爲下克
忠與人不求備檢身若不及以至于有萬邦
茲惟艱哉敷求哲人俾輔于爾後嗣制官刑
儆于有位曰敢有恒舞于宮酣歌于室時謂
巫風敢有殉于貨色恒于遊畋時謂淫風敢
有侮聖言逆忠直遠耆德比頑童時謂亂風

惟茲三風十愆卿士有一于身家必喪邦君
有一于身國必亡臣下不匡其刑墨具訓于
蒙士嗚呼嗣王祗厥身念哉聖謨洋洋嘉言
孔彰惟上帝不常作善降之百祥作不善降
之百殃爾惟德罔小萬邦惟慶爾惟不德罔
大墜厥宗

太甲上

惟嗣王不惠于阿衡伊尹作書曰先王顧諟




天之明命以承上下神祇社稷宗廟罔不祇
肅天監厥德用集大命撫綏萬方惟尹躬克
左右厥辟宅師肆嗣王丕承基緒惟尹躬先
見于西邑夏自周有終相亦惟終其後嗣王
罔克有終相亦罔終嗣王戒哉祇爾厥辟辟
不辟黍厥祖王惟庸罔念聞伊尹乃言曰先
王昧爽丕顯坐以待日旁求俊彥啓迪後人
無越厥命以自覆慎乃儉德惟懷永圖若虞

機張往省括于度則釋欽厥止率乃祖攸行
惟朕以懌萬世有辭士未克變伊尹曰茲乃
不義習與性成予弗狎于弗順管于桐宮密
邇先王其訓無俾世迷王徂桐宮居憂克終
允德

太甲中

惟三祀十有二月朔伊尹以冕服奉鬯王歸
于亳作書曰民非后罔克胥匡以生后非民



罔以辟四方。皇天眷佑有商。伊嗣王克終厥
 德。實萬世無疆之休。王拜手稽首曰。予小子
 不明于德。自底不類。欲敗度。縱敗禮。以速戾
 于厥躬。天作孽。猶可違。自作孽。不可追。既往
 背師保之訓。弗克于厥初。尚賴匡救之德。圖
 惟厥終。伊尹拜手稽首曰。修厥身。允德協于
 下。惟明后先王子惠困窮。民服厥命。罔有不
 悅。並其有邦。厥鄰乃曰。俟我后。后來無罰。王

懋乃德。視乃烈。祖無時豫。急奉先。思孝接下。
 思恭。視遠。惟明。聽德。惟聰。朕承王之休。無斁

太甲下

伊尹申誥于王曰。嗚呼。惟天無親。克敬惟親。
 民罔常懷。懷于有仁。鬼神無常。享于克誠。
 天位艱哉。德惟治。否德亂。與治同道。罔不興。
 與亂同事。罔不亡。終始慎厥與。惟明明后。先
 王惟時懋敬。厥德克配上帝。今王嗣有令緒。



尚監茲哉若升高必自下若陟遐必自邇無
輕民事惟難無安厥位惟危慎終于始有言
逆于汝心必求諸道有言遜于汝志必求諸
非道嗚呼弗慮胡獲弗為胡成一人元良萬
邦以貞君罔以辯言亂舊政臣罔以寵利居
成功邦其永孚于休

咸有一德

伊尹既復政厥辟將告歸乃陳戒于德曰嗚

呼天難諶命靡常常厥德保厥位厥德靡常
九有以亡夏王弗克庸德慢神虐民皇天弗
保監于萬方啓迪有命眷求一德伊作神主
惟尹躬暨湯咸有一德克享天心受天明命
以有九有之師爰革夏正非天私我有商惟
天佑于一德非商求于下民惟民歸于一德
德惟一動罔不吉德二三動罔不凶惟吉凶
不僭在人惟天降災祥在德今嗣王新服厥



命惟新厥德終始惟一コトハヒトニシテ時乃日新任官惟賢トキニヒトニシテ才左右惟其人タカラヒトニシテ臣爲上爲德爲下爲民其難ウヂニシテ其慎惟和惟一コトハヒトニシテ德無常師主善爲師善無常トクニシテ主撝于克一コトハヒトニシテ俾萬姓咸曰大哉王言又曰一コトハヒトニシテ哉王心克綏先王之祿永底蒸民之生嗚呼コトハヒトニシテ七世之廟可以觀德萬夫之長可以觀政コトハヒトニシテ后非民罔使民非后罔事無自廣以狹人匹夫コトハヒトニシテ匹婦不獲自盡民主罔與成厥功コトハヒトニシテ

盤庚上

盤庚遷于般民不適有居率籲衆感出矢言イハシカク曰我王來旣爰宅于茲重我民無盡劉不能イハシカク胥匡以生下稽曰其如台先王有服恪謹天アヒタツ命茲猶不常寧不常厥邑于今五邦今不承イハシカク于古罔知天之斷命矧曰其克從先王之烈イハシカク若顛木之有由藪天其永我命于茲新邑紹コトハヒトニシテ復先王之大業底綏四方盤庚敷于民由乃コトハヒトニシテ



在位以常舊服正法度曰無或敢伏小人之
彼後王命衆悉至于庭王若曰格汝衆予告
汝訓汝猷黜乃心無傲從康古我先王亦惟
圖任舊人共攻王播告之修不匿厥指王用
不飲罔有逸言民用丕變今汝聒聒起信險
膏予弗知乃所訟非予自荒茲德惟汝含德
不惕予一人予若觀火予亦拙謀作乃逸若
網在綱有條而不紊若農服田力穡乃亦有

秋汝克黜乃心施實德于民至于婚友丕乃
敢大言汝有積德乃不畏戎毒于遠邇惰農
自安不昏作勞不服田畝越其岡有黍稷汝
不和吉言于百姓惟汝自生毒乃敗禍茲宥
以自災于厥身乃既先惡于民乃奉其慝汝
悔身何及相時儉民猶胥顧于箴言其發有
逸口矧予制乃短長之命汝曷弗告朕而胥
動以浮言恐沈于衆若火之燎于原不可嚮

書經

卷五




邇其猶可撲滅則惟爾眾自作弗靖非予有
 咎遲任有言曰人惟求舊器非求舊惟新古
 我先王暨乃祖乃父胥及逸勤予敢動用非
 罰世選爾勞予不掩爾善茲予大亨于先王
 爾祖其從與享之作福作災予亦不敢動用
 非德予告汝于難若射之有志汝無侮老成
 人無弱孤有幼各長于厥居勉出乃力聽予
 一人之作猷無有遠邇用罪伐厥死用德彰

厥善邦之臧惟汝眾邦之不臧惟予一人有
 佚罰凡爾眾其惟致告自今至于後日各恭
 爾事齊乃位度乃口罰及爾身弗可悔


盤庚中

盤庚作惟涉河以民遷乃話民之弗率誕告
 用亶其有眾咸造勿執在王庭盤庚乃登進
 厥民曰明聽朕言無荒失朕命嗚呼古我前
 后罔不惟民之承保后胥感鮮以不浮于天



時殷降大虐先王不懷厥攸作視民利用遷
汝曷弗念我古后之聞承汝俾汝惟喜康共
非汝有咎比于罰予若籲懷茲新邑亦惟汝
故以不從厥志今予將試以汝遷安定厥邦
汝不憂朕心之攸困乃成大不宜乃心欽念
以忱動予一人爾惟自鞠自苦若乘船汝弗
濟臭厥載爾忱不屬惟胥以沈不其或稽自
怒曷瘳汝不謀長以思乃災汝誕勸憂今其

有今罔後汝何生在上今予命汝一無起穢
以自臭恐人倚乃身迂乃心予迂績乃命于
天予豈汝威用奉畜汝衆予念我先神后之
勞爾先予不克羞爾用懷爾然失于政陳于
茲高后不乃崇降罪疾曰曷虐朕民汝萬民
乃不生暨予一人猷同心先后不降與汝
罪疾曰曷不暨予幼孫有比故有爽德自上
其罰汝汝罔能迪古我先后既勞乃祖乃父



汝共作我畜民汝有戕則在乃心我先后綏
 乃祖乃父乃祖乃父乃斷棄汝不救乃死茲
 予有亂政同位具乃貝玉乃祖乃父不乃告
 我高后曰作丕刑于朕孫迪高后丕乃崇降
 弗祥嗚呼今予告汝不易永敬大恤無胥絕
 遠汝分猷念以相從各設中于乃心乃有不
 吉不迪顛越不恭暫遇茲先我乃劓殄滅之
 無遺育無俾易種于茲新邑往哉生生今予


將試以汝遷永建乃家

盤庚下

盤庚既遷奠厥攸居乃正厥位綏爰有衆曰
 無戲怠懋建大命今予其敷心腹腎腸歷告
 爾百姓于朕志罔罪爾衆爾無共怒協比讒
 言予一人古我先王將多于前功適于山用
 降我凶德嘉績于朕邦今我民用蕩折離居
 罔有定極爾謂朕曷震動萬民以遷肆上帝

書經

三十五



將復我高祖之德亂越我家朕及篤敬恭承
 民命用永地于新邑肆予冲人非廢厥謀弔
 由靈各非敢違卜用宏茲貢嗚呼邦伯師長
 百執事之人尚皆隱哉予其懋簡相爾念敬
 我衆朕不屑好貨敢恭生生鞠人謀人之保
 居敘欽今我既羞告爾于朕志若否罔有弗
 欽無總于貨寶生生自庸式敷民德永肩一
 心

說命上


王宅憂亮陰三祀既免喪其惟弗言羣臣咸
 諫于王曰嗚呼知之曰明哲明哲實作則天
 子惟君萬邦百官承式王言惟作命不言臣
 下罔攸稟今王庸作書以誥曰以台正于四
 方台恐德弗類茲故弗言恭默思道夢帝賚
 予良弼其代予言乃審厥象俾以形旁求于
 天下說策傳巖之野惟肖爰立作相王置諸



其左右命之曰朝夕納誨以輔台德若金用
汝作礪若濟巨川用汝作舟楫若歲大旱用
汝作霖雨啓乃心沃朕心若藥弗瞑眩厥疾
弗瘳若跣弗視地厥足用傷惟暨乃僚罔不
同心以匡乃辟俾率先王迪我高后以康兆
民嗚呼欽予時命其惟有終說復于王曰惟
木從繩則正后從諫則聖后克聖臣不命其
承疇敢不祗若王之休命

說命中

惟說命總百官乃進于王曰嗚呼明王奉若
天道建邦設都樹后王君公承以大夫師長
不惟逸豫惟以亂民惟天聰明惟聖時憲惟
臣欽若惟民從乂惟口起羞惟甲冑起戎惟
衣裳在筭惟于戈省厥躬王惟戒茲允茲克
明乃罔不休惟治亂在庶官官不及私昵惟
其能爵罔及惡德惟其賢慮善以勳勳惟厥



時有其善喪厥善矜其能喪厥功惟事事乃
其有備有備無患無啓寵納侮無耻過作非
惟厥攸居政事惟醇黷于祭祀時謂弗欽禮
煩則亂事神則難王曰旨哉說乃言惟服乃
不良于言予罔聞于行說拜稽首日非知之
艱行之惟艱王忱不艱允協于先王成德惟
說不言有厥咎

說命下

王曰來汝說台小子舊學于甘盤既乃遜于
荒野入宅于河自河徂亳暨厥終罔顯爾惟
訓于朕志若作酒醴爾惟麴蘖若作和羹爾
惟鹽梅爾交修予罔予棄予惟克邁乃訓說
曰王人求多聞時惟建事學于古訓乃有獲
事不師古以克永世匪說攸聞惟學遜志務
時敏厥修乃來允懷于茲道積于厥躬惟敦
學半念始終典于學厥德修罔覺監于先王




成憲其永無愆惟說式克欽承旁招俊乂列
 于庶位王曰嗚呼說四海之內咸仰朕德時
 乃風股肱惟人良臣惟聖昔先正保衡作我
 先王乃曰予弗克俾厥后惟堯舜其心愧耻
 若撻于市一夫不獲則曰時予之辜佑我烈
 祖格于皇天爾尚明保予罔俾阿衡專美有
 商惟后非賢不乂惟賢非后不食其爾克紹
 乃辟于先王永綏民說拜稽首曰敢對揚天

子之休命

高宗彤日

高宗彤日越有雉雉祖已曰惟先格王正厥
 事乃訓于王曰惟天監下民典厥義降年有
 永有不永非天矢民民中絕命民有不若德
 不聽罪天既孚命正厥德乃曰其如台嗚呼
 王可敬民罔非天胤典祀無豐于昵

西伯戡黎



西伯既戡黎祖伊恐奔告于王曰天子天既
 訖我殷命格人元龜罔敢知吉非先王不相
 我後人惟王淫戲用自絕故天棄我不有康
 食不虞天性不迪率典今我民罔弗欲喪曰
 天曷不降威大命不摯今王其如台王曰嗚
 呼我生不有命在天祖伊反曰嗚呼乃罪多
 參在上乃能責命于天殷之即喪指乃功不
 無戮于爾邦

微子

微子若曰父師少師殷其弗或亂正四方我
 祖底遂陳于上我用沈酗于酒用亂敗厥德
 于下殷固不小大好草竊姦宄卿士師師非
 度凡有辜罪乃罔恒獲小民方興相為敵讐
 今殷其淪喪若涉大水其無津涯殷遂喪越
 至于今日父師少師我其發出狂吾家耄遜
 于荒今爾無指告予顛隲若之何其父師若





曰王子天毒降災荒殷邦方興沈酗于酒乃
 罔畏畏弗其考長舊有位人今殷民乃攘竊
 神祇之犧牲牲用以容將食無災降監殷民
 用又讐斂召敵讐不怠罪合于一多瘠罔詔
 商今其有災我興受其敗商其淪喪我罔為
 臣僕詔王子出迪我舊云刻子王子弗出我
 乃顛隳自靖人自獻于先王我不顧行遯

書經上終

特
 2696





国立国会図書館

タイトル『尚書2巻』 請求記号 特1-2696

ガラス使用